

壯懷堂詩三集

壯懷堂三集

嶺海詩存卷七

侯官林直子隅

端居集四

丁卯
戊辰上

元日

託足端江未有涯
清樽朝日且開眉
歡聲檐際翻靈鵲
生意階前長紫芝
穉竹都含新霽色
老榕獨抱碧雲姿
焚香靜坐渾無事
細碾隄麝自詠詩

寄懷子箴方伯恢垣吏部

春風吹戶庭
階草淺以綠
驕驄寒不嘶
欲騁傷局促
言念平生歡
美人在空谷
惟公雅好道
昂筆輒遠俗
遙知

西園讌每飲必秉燭懸匏愧無用有酒萬事足一語落
松陰天風吹斷續

李侯達者流早挂林下冠客冬返鄉閭言尋骨月歡我
時去羊闔爲理婚嫁繁水東一見之旅懷強爲寬約我
問名園驪駒惜在門莫共清游樂重隨濁浪翻端州無
好春風駕未敢敦遙天寄遐思拂拭青琅玕

襖日舟中飲

一年又到湔裳日襖事難從客裏修上巳煙痕開旖旎
永和韻事溯風流興酣思覓紅螺飲歌罷還從彩鷁游
慣送青春是江水滔滔日去不能休

久不得雅女豫兒武林訊作此寄示

女子及二十古訓當有家汝家在何許乃在大海涯世
無具舟役往送甯辭還聞壻賊中回遍體滿瘡痂母死
弟亦俘但足慰阿耶汝今從之去巾櫛侍無差但須議
酒食時復治絲麻無遺夫子憂免興汝父嗟

客冬接家書知汝趣杭州杭州見阿叔

時廉叔舍弟官浙

定作

十日留汝書遲不來何時發東舟莫嗟海水深性命託

夷酋

前書屬豫兒附海艘來粵

吾家恃忠信那恤鯨濤遭願汝早受

室爲結束鄰邱庶幾畢婚嫁行爲五嶽遊

子箴方伯四疊陳蘭甫三字韻見懷次韻奉答

思君竟夕腸迴九愛士終朝髮握三來日須傾竹葉盞

令人苦憶桃花潭陳遵

謂蘭甫

交道疏逾好李白

謂恢垣

詩

情老更酣年少薇郎才調美暫時把臂悵溪南

昨恢垣招同芥

帆飲端溪書院

子箴方伯寄示思鄉五疊前韻再和一首

故園松菊年遺四嶺外烟花月又三豈識橫戈逃馬革

卻教洗硯傍龍潭天涯兒女思仍隔海上風濤夢正酣

兒子豫棻送雅女由海道干歸赴浙

同上層樓縱長眺新詞一和望江南

喜郭穀齋

式昌

觀察至端賦此奉柬

時往新興遣散五坑客眾

林生海內論相識三十年來君第一記從兩小住京華

覲面芳鄰未虛日別君憶在戊戌秋我趨桂管君涼州
十年契闊不相見夢裏往往偕君遊鄉園重省春風面
拜母前盟應不變請纓攜手去從軍閩粵河山幾傳箭
登樓滿目多烽烟所志皆傍青雲邊秋風桂子落天際
鹿鳴君復揚先鞭我遂披衣東度嶺南社賓朋隔形影
豈期君亦來端江有酒今宵且須飲此去新州望五阨
韉刀躍處大功成王戎謂雨庵朝晚如相問但道相思
爲寄聲

送邱拱庭

鴻星

大令赴陽春幕

洛陽昔日喜栽花猶聽脣碑徧海涯每怪愁生當客路

由來貧固屬吾家江湖鴻雁春偏闊身世干戈我欲嗟
勸汝今宵一杯酒向平夙願未全賒

悼劉伯偉

敬脩

二尹

由來才質美每不享修齡風雨營歸櫬波濤悚客星魂
飛孤旄紫鬼語夜燈青隴水愁名父端憐老淚零

時尊甫炯

甫司馬
官甘肅

恢垣新刊廣元遺山年譜成招同丁芥帆

士彬

舍人飲

端溪書院時階前杜鵑盛開作此奉柬

入春盛寒雲十日九陰晦晨檐一詐晴還復蔽掩曖鬱
懷悶不拓有酒須灌漑故人來羊城折柬治鼎鼎言尋

舊壁墨重吊幾興廢持樽忽相視一笑咎時輩料理身
後名欲起古人對遺山去已遙殘編重珠璣世無論史
才述古空置喙詩歌秦年月道里歧記載李侯奮臂出
悉爲滌蕪穢施國笈與翁方譜歛袂謝蒙昧元氏得功
臣騷魂振前代不知千禩後杯酒誰我酌行樂在及時
卜夜允非悖况逢江海客謂芥氣亦同沆瀣譬玉方韞
輝如蘭喜紉佩交新締文字語真鏤肝肺波濤輕萬里
時難動咨慨庭前躑躅花豔豔紅可愛得非天台種移
栽鶴林內盈階滿生意撫景屢流眄醉矣發狂吟斯遊
應予再

張蓉仙

槎

以詩見投次韻答之

壁壘龍華舊築壇

柯山龍華寺建朋翰堂爲端州人士觴詠之所

西來再見荔

痕丹倡酬海內爭元白太息軍中幾范韓名酒尙虛燕

市醉好山且向粵中看故人厚祿尋常事門外誰憐范

叔寒

端州從古壯金甌豈乏英才邁等流杜牧風華歸記室

邨超歲月寄參謀每聞鷹隼秋天出曾見珊瑚鐵網收

轉瞬西風看戰捷明珠有價莫輕投

愛蓮亭成恢垣招飲思以詩落之適子箴方伯和韻詩

至仍疊前韻奉柬二首

荔風漾芳池蓮葉轉深綠巍亭喜新成折柬辱邀促當
前富美釀此境勝金谷階竹有生意座士亦匪俗清言
未覺晚呼童屢易燭因思百年內良會常不足主人有
餘興長歌倘相續

避喧託邊郡脫畧忘衣冠結交嵇阮儔聊尋竹林歡稍
領松石意厭聽箏琶繁斗室羅萬象騁懷天地寬忽聞
剝啄聲新詩傳到門開緘諷誦之舌底清瀾翻豈惟詞
意美古情今復敦我思報瓊章愧乏琳與珎

蘇賡堂河帥駐節濟甯有儒生自兗州來謁以孔林楷
木杖爲贄書來屬同人賦詩作此奉寄

周公冢樹模孔子冢樹楷天生靈物豈偶然亘古精神
若長在周公世遠不可夢孔子斯文歸主宰陵前蒼草
匪易得矧截虬枝作吟拐賡堂先生儒者宗近持蜺節
來山東平生講易悟至理魯國多士爭趨風就中一士
尤欽仰再拜登門贅以杖相傳植自端木手攜出盈堂
歎珍賞士方跪進先有詞祝公一語公鑒之邦家楨幹
世罕覲危顛須賴公扶持公時起敬肅眉宇手自封題
不敢拄浮光照眼掣飛電白晝恐觸蛟螭舞寄書鄉里
徵賦詩詩成紀事事則奇壺公王母未足媿赤藤那羨
來滇池陳子扶初作詩務簡要李子恢垣作詩兼二妙謂公

舊藏萬壽藤

爲先生及門何解元仁山所送

合此後先堪照耀我聞此

語謂不然藤杖雖好見弗鮮何如此日區區意模楷人

倫五百年

倪文正公畫石爲雨菴方伯題

咄哉嶽嵒磊落之英姿胡乃在君之素壁倒割雲根石
髓青得此媧皇鍊餘石堂堂文正直天人高撐忠骨何
嶙峋疊書折帶出腕底筆之所到皆精神天崇國是殊
草草斗柄橫持太阿倒貂璫肆虐繼崔楊金虎宮鄰護
迴抱煌煌八策期回天東林一辯爭流傳鋒車再召單
旅入臣力竭矣甯苟延生平黃

漳浦劉戡

數知己黼黻龍

磨堪媲美珠庭日角想儀容亘古精靈應不死前壯繆
後文山沖霄正氣留人間衣雲閣前秋草碧夜深時見
忠魂還惟公大節歎行路餘事天教工繪素靈縑斷楮
有生氣百尺高樓瞥烟霧好古迺有恭簡孫珍襲不啻
千金論石齋畫松世亦貴

方伯舊藏黃忠端公畫松卷亦可寶貴

合之未

易相輕軒君不見烏程

溫

巴縣

王

皆已矣司農堂高亦

傾圯何似先生墨瀋香千年綠染耶溪水

丁卯四十一初度姬人薛青黎紅具觴爲壽作此示之
勞卿爲具先生饌多汝能隨弟子行今日秋風倍惆悵
倚尊自惜鬢蒼蒼

恢垣置酒愛蓮亭爲壽三疊子箴方伯見懷三字韻
陶情聊藉詩書畫知已惟餘一二三
四十年華驚老大
五千道德味淵潭煙開楊柳秋光澹雨過芭蕉夜戰酣
多謝端溪老山長慇懃杯酒話池南

院中木棉和恢垣韻

紅雲蔽空來俯臨下無地具茲霄漢姿百年此生遂嚴
冬壓霜雪亦不懼凋頽直抱杞楠質待振柞械氣阿香
噴火車

今春遭雷火

古幹失蒼翠矧教叢糞土翳擁匪一簣

端溪育材數五經方鼓吹亟宜治其蕪俾幽凌雲意夏
來足甘雨枯枝喜還樛抽高聳螭身奮側奮鷹翅疏陰

透微月散作蝌蚪字大才勵盤錯運會當有自匪施培植功或恐終廢棄今看勃然勢躊躇差滿志具杯往慶之昂頭跂高致炎熇熱方酷叨蔭逾寵賜願收萬珊瑚藉貢 聖世瑞

寄懷陳子駒

通祺

上舍閩中二首

四年不見陳驚座絕少新詩慰別離寄語秋風爲傳訊年來潘鬢已成絲

爛醉狂歌興有無江樓記弄月明珠山塘久不飛瑤鶴

寂寞黃公舊酒壚

謂聖堯

和恢垣病中遣懷見柬五首次韻

李侯勤校課終歲矻不休久坐氣斯鬱構此頸上疣把
卷未肯釋有書時復讎多方勸阻之我言如贅瘤自云
病在飲除患先禁喉往誇酒戶寬扁之毋乃羞甘蒙城
下譏早望厥疾瘳或云怒所積氣血凝不流以君坦蕩
衷事過無思留又云忿所成抑或懷隱憂而君境復適
芥蒂亡纖轡未審致病原參苓勿輕投不藥爲中醫庸
醫吾所仇

庭前開金鳳秋至還復花得毋九苞種

君植鳳仙多異種

顏色

如春霞紫園亦徘徊競炫重苔葩轉令養疴地環座皆
芬華豈因厭孤寂供此誇豪奢呼僮曰灌慨一淨無塵

沙西廊下炎日爲設疏簾遮百端護惜之所望應非賒
花多心亦歡那識城市諱閉戶自經營所適無舛差譬
彼田舍翁及時務先畬又如漁家子進舟當勤划力作
毋怠荒收報當不遐所以盛嘉卉生生茁根芽

臨池茸新亭覆以萬蕉綠晚涼坐其間爽氣亦已足殘
荷有餘香獨鳥池上宿對茲靜中景天心時一復環廊
散閒步喜活新種竹而來欣就賞簷溜下如瀑稍覺絺
裋單幾忘暑日酷舊醅傾一樽俗塵祛十斛當其構亭
始指揮勞僕僕今茲享永逸差可快君欲務勤乃有穫
無事斯爲福一笑樂陶然安須懷寵辱

我昨讀飲酒一和淵明詩高懷未能及聊復味其詞近
君悟養生獨立將世遺耽情長慶集謂此心可怡終日
手一編南窗挹輕颺讀罷還復寐起看花影移黜陟固
不聞理亂亦不知安命慎所疾衡文盡吾司旣勘酬應
勞庶免筋力疲飢當呼飯至寒自尋衣披榮辱匪所驚
是非焉用思草木亦有情魚鳥相忘機上有白髮親田
疇應自治菽水信可樂奚煩韋與脂遠將溯羲皇近亦
從佺期

君家起寒素澹泊固所志今來主講席聊復學避地會
垣匪不樂市囂畏喧沸送迎已惡煩舉動或防肆偶尋

縞紵歡必與酒食議卽之苦紛擾卻之傷簡棄累人實
不安居已尤匪易平生韋布願未慣衣冠臆曷如息靜
壤冲衷養和氣跬步寡愆尤形骸免勞戲有時來良朋
相從問花事自春復徂秋清譚有真意一樽常在手頽
然便酣睡

又和見柬一首次韻

翳余住端州寂處希見聞欣然得吾子臭味願同羣質
疑復問道往復忘勞勲時還和高詠相與賞竒文我詩
非君敵我才更何云有酒對酌之興來有餘醺放懷太
古前希蹤葛天民詩書但糟粕冠冕亦緇塵喜聞燕語

清猶慮蛛絲勞人情日以幻天趣樂吾真豈無珠履交
薄之如秋雲願從竹林遊藉息塵勞紛

和子箴方伯書恢垣愛蓮亭記後次韻

萬卉之中數秀異品之淨者惟蓮花玉環溪客紛譬喻
俗口一任騰呶哇濂溪愛蓮高眼界說向羣芳莫驚怪

寞然獨予君子稱曰對清漪聞玉瀝吳公

繩

年取義因名

亭士德務與花同馨出泥不染見清潔那似浮蕩無根
萍亭興亭圯歸運數舉廢何人起沈痼榱桷哀瘤日經
營竹柳蕉棉足生趣李侯課罷興有餘作記墨濺青霞
裾臨池疾書百景入讀之直覺塵氛祛方公作詩吾不

如亭前笑開萬芙蓉名花儷句邀閒品鎮日清譚客歡
甚但祝常開四季蓮朝朝來就先生飲

書感

封侯今已矣生悔向天涯狼燧西來紫鵠嗽北望嗟壯
心銷盾鼻幾輩建旌牙漸漸豪情減年年閱物華

聞廉叔舍弟病作此寄之

端江距武林相隔四千里書來知汝病開緘面如紙同
牀十七年趨步不離咫奈因稻梁謀遂各恤妻子長兄
有書至勸汝返鄉里富貴會有時勿爲俗情鄙參苓草
木性莫漫輕染指阿兄亦匪愚豈必戀朱紫八口方嗽

噉還鄉未容趾東坡曠達人有田誓江水

壽恢垣

嶺南腴澤藪英豪至方盛踉蹌貴人門與馬日趨競我
來今四年未敢赴時聘衣冠信云美但厭襲優孟曷如
習僻處迂拘或余病此骨之脂韋萬事甘退聽蒼蒼鑒
愚衷若許所業竟詎期得李子澹寂較還更旣壯始釋
褐南曹思報稱裴王與盧李後先足輝映會當海氛沸
輦路逼梟獍達官念身家倉皇理鞭鐙君獨恤艱危待
以孤注應談笑卻秦師頑酋失騎橫雲開陰翳蠲叙功
治公評寸階亦

殊恩同僚盡君慶再拜辭弗遑爲難謁朝請二者世所
希高情已超覓京華居七載浩然動歸興豈不懷奮飛
簪裾耀光瑩爲承菽水樂志遂薄千乘中年蚤解組安
惜釋輶柄端州山水鄉當途致忠敬幾微界必嚴往往
直口諍推之炎熱場風操益堅凝肥甘匪所欲道味永
娛泳甯惟儉服御兼能遠妾媵學仙固不易近佛亦非
佞賢關引將入義杖差可凭諸生感陶淑漸識修百行
昔編遺山集時地精攷證近窮地輿說山川析緯經近
所纂西域圖攷核甚詳有時撫景光招邀共觴詠一字互推敲一
樽辨賢聖寡營養天和閉門務清淨澆花有餘勤閒復

踏苔筵竹多暑不知蕉深氣逾定下筆每千言意豈在
求勝喪長舞自善兵短接尤勁相逢非其儔絕不枉酬
贈愛我譽我作謂異俗妝靚天或昌其詩特教二難併
年年介壽筵惟我不與醒三簋佐兩簋棗梨分餽飭陶
然具醺意肯使及沈滄星巖邇咫尺有約問雲磴鼎湖
亦夙願倘不吝遊脛擎舟作重九夢尙龍華贐賦詩爲
君壽激切肝肺罄方公謂子箴方伯吟正豪郵筒寄遐正
中秋日風雨忽憶去年舊游再疊恢垣舊作登挾天閣
韻

驟雨忽晴晴復雨撩人詩思滿秋天龍祠簫鼓仍前渡

去歲中秋同恢翁龍母祠觀劇靈峽波濤感逝川今日秋風閒裏過昨

宵明月夢中圓登樓指顧看新捷員嶠方壺在眼前時嗣

君赴秋閣

十六夜見月三疊前韻柬恢垣

頃刻風雲真莫測因知萬事悉由天山河倏爾明如畫
舟楫欣看利涉川金鏡但期來日霽冰輪爲補昨宵圓
新詩傳到應狂喜格律於今不似前

十七夜月四疊前韻奉柬

只道陰雲晴尙早豈期昂首豁青天客如太白來牛渚
詩異昌黎和玉川佳醕不辭連夕醉清輝已減二分圓

城西走馬歸來晚渴汲山泉煮雨前

茶名

題倪文正公草書千字文墨蹟後爲恢垣作

昔時讀公畫肅然方下拜

昨爲王兩庵方伯題公畫石

今日見公書

欣然更稱快煌煌巨冊凡千言字勢勁峭氣體尊想其
下筆風雨疾龍蛇腕底相追奔桓桓周侍郎遺韻滿人
口得公妙墨灑淋漓雙絕巍然同不朽香光此帖世亦
貴草法還應落公後李侯示我請賦詩重公大節揚鬚
眉開函何必辨真贗飛動恍覩天人姿端州十日足秋
雨簷溜如龍兀閉戶把公此冊觀百遍斗室中宵三起
舞吁嗟乎稽山之峯高嵯峨耶溪流水無迴波零縑斷

簡好珍襲一代忠貞氣不磨

藏劍行次彭春州

泰來

明經韻爲梁鈺卿

錦瑛

參軍作

藍田古劍靈寶裝傳家今歷五世彊百年碧凝鸛鵲血
虎氣騰上輝沙場千鏌無光歐冶冷亦有流虹與飛景
何如掣此紫電痕鬼伯騰逃護其頸金川當日隨追奔
羣酋對之驚喪魂促促漫攢拉一削耳免使梟獍相併吞
勒烏圍山萬雲疊噶拉依碉更巔絕

王師所向天爲高真似炎湯沃妖雪凱歌唱徹征袍更
邊荒日月銷甲兵勞軍

寵隆郊迎禮拔鞘指顧風雲生桓桓千戶功成大三尺

懸腰喜常在歸途萬里藉防身魑魅相遭肝膽碎天教
此劍歸炎洲閩鄂旋逐妖星流刊鯢斫鼉應手得殲盡
魁孽無遺留但逢英雄競把臂刮寇降魔成往事端州
從此仗星鐔保衛鄉閭同拜賜甲寅之秋興揭竿十萬
黃巾弄兒戲哲孫謂鈺卿及令弟楓橋持出平定之淬向龍潭不
輕佩吁嗟乎恩仇自古徒紛紛寶物亦藉傳於人風胡
薛燭世罕遺願君永守百代清烽塵

書胡文忠公遺集後四十韻

當代論經濟憐才出性成人文啟湘澤功業在襄荆瑞
鳥先徵夢祥芝幽吐莖湯太夫人震公時夢五色鳥飛集屋後叢林張兩翼翔鳴羣鳥

飛咏林中芝草徘徊不去
及公誕因命名號咏芝
冲髻驚顙異頭角露崢嶸先

德推詹事嘉譽動巨卿乘龍掄璧潤題鳳屬冰清

公爲陶文

穀公應制聯三捷驚人但一鳴木天勤視草芸閣蚤蜚

聲人海騰珠彩瓊林允玉衡金陵馳使節珊瑚網致羣英

豈以同官累而淄素質瑩居憂忘毀瘠布惠及貧嬰保

障鄉閭倚艱危世局縈時方求吏治豈敢老躬耕不恤

貲郎誚旋騫酌閑程一麾辭薊出五馬壯黔行羅甸苗

先格思州盜悉平巖門輝翠羽播介戮長鯨薄展籌邊

策潛消歃血盟奇勲銘鬼國清望峻

神京崔曲聲華爛僉參職位宏桂氛虞聚嘯麋國賴支

櫟康問

金章錫藩條玉節擎緣能探虎穴

特予仗蜺旌薦舉多名宿搜羅到隱氓

公撫鄂時常薦處士萬斛泉並

其弟子宋鼎鄒金粟於朝恩給京銜有差

板輿欣養志

芝諧被

殊榮寅亮三孤貴辰猷

一德誠和九沈寶婺舞綵斷蓬瀛

天語勞存慰臣衷愴奪情松楸旋展別祠宇費經營鄂

渚重飛棹黃州坐論兵將才恢史畧

國是畀書生礪卡邊防鞏烽烟

輦路驚勤王師待奮禦侮計頻呈和議金繪惜軍容斧
鉞精援潯重雕剿綏制念魴頰寇更窺江夏圍先解皖
城妖氛新滌蕩砥柱痛頽傾

國史嘉留傳

皇恩予易名鉅篇遺奏疏遺愛洽公評

恩平客民就撫作詩誌喜寄呈兩菴廉訪

聞道旌旗下五坑元戎近報大功成十年棋局崇朝定

千里烽臺永夕清滿目恩州禾黍感

時變置恩平客
產尚未就緒放

懷端峽浪波平自今穩卧西江上願托林麀作部氓

贈汪芙生

瑯山人

手把芙蓉晚涉江，仙人玉杖駐崆峒。
天風搖落雲邊笛，暮雨蕭疏水畔缸。
開到名花剛第一，適來國土本無雙。
朝衣不敵魚簑樂，與爾滄浪約釣缸。

待向生天證夙因，一枝彩筆故無倫。
彈棋偶識神仙著，載酒偏逢磊落人。
大海狂瀾來獨鶴，四郊多壘走祥麟。
請君旨向環中會，不是迷途莫問津。

英生次韻詩至再疊前韻奉柬

身世蒼茫俯大江，亂山層出故崢嶸。
久虛壯志酬長劍，悉把新愁付短缸。
啼徧殘鶯誰共語，飛來乳燕恰成雙。
眼前好景休拋瞥，且向橫流踏薛缸。

端水相逢大有因
踏歌聲裏見汪倫
待尋李白成知己
但識林逋亦可人
管底難窺藏霧豹
世間原少躡雲麟
江湖醉眼邀君共
笑指紅霞起遠津

送雨菴觀察量移瓊海四首

去國三千里
論交二十年
搖將雙管筆
持向百蠻天
珠海升沈異
端州歲月延
相期崇令德
晚節勵冰堅

憶昔增惆悵
曾蒙梓里麻
隼旗麾古浪
熊軾又南州
宦況情於水
仁聲速置郵
那堪回首望
同作少年遊

竭來南粵地
八載喜飛騰
輓粟膏儲重
披荆盜寇懲

平五坑之役

匡時才似海
宴客酒如澠
咫尺星轅路
叨從一

謂恩

再登

海南君舊治此去靖黎峒

時黎民不靖

好趁孤帆雨長乘萬

里風茅龍欽節鉞竹馬走兒童待見真除日薇花刺眼

紅

送蘇仲新

元暉

部郎侍任赴汴

爲奉晨昏萬里行廿年我亦逐官旌

直嘗侍先通區議公備兵運河馬

車梁苑曾開讌取竹淇園記典兵小范聲名期異日次

公身世合前生端州相見還相別大廈新依倍有情

時假

寓高要

公宅

佛桑畫幘爲陳子吉少尹題

旭日枝頭焰焰妍四時開落短籬邊炎涼閱歷君都慣
合併花王與水仙

孫省齋

觀

觀察屬書便面作此奉上三首

聞道城西宅文翁舊讀書江聲喧鵲尾山色老龍舒毓
秀真儒出匡時壯志儲故鄉兵事定佳氣喜充闔

十載蘭臺住文章冠

帝州鵲聲朝應

詔驚羽晚鳴騶按漚廉聲遠綏黎惠澤周祇今奇甸外
處處有吟謳

竭來端水上民氣未全舒辛苦南州役殷勤

北闕書田廬爭戰後老弱死生餘

謂恩開土客事

簞節後公至

蒼間盼綵旗

酬蘊玉仲

璘

司馬二首

把手相期著作林入懷秋月見胸襟日邊盛意來荀鶴
柳下遺風學展禽兩鬢新霜初試鑷一簾細雨正橫琴
綠陰滿院花新放擁鼻高齋獨詠吟

鶯語間關乍入聽小樓兀坐對芳醺山痕淡淡青無主
江水迢迢去不停客裏春華偏迅速醉邊人影最伶俜
柳條亦識將離恨今日因君眼倍青

贈馮雲伯

秦松

刺史

馮子能從政神明眾所欽
循譽電川溢惠愛德州深
作
用能師古羈遲悵至今會
看騰大邑拭目盼爲霖

歡騰十日飲高會繼平原
意氣傾湖海追隨似弟昆
鶴

鳴方在野鳳字敢題門

詰剛茂才

入世多君達端知有慧根

玉仲以所刻亡友沈伯眉學博小祇陀盒詩集見贈題

後二首

聞君才調似東陽
賸得新章滿錦囊
天上祇因需賦手
人間無地著詩狂
一官苜蓿初償願
五字珠璣最擅場
難得多情貴公子
不教殘唾付滄浪

一卷楞華絕妙詞
曾將紅豆寄相思
編年細譜雲林集

君嘗編
倪集

闡德深知介子悲從古才人多佞佛只今季女
尙嘒飢讀君詩復傷君遇惆悵風前酹酒卮

次子箴方伯寄恢垣並見柬韻

西烏東兔尋常事臘鼓催殘春又來羊石一尊聊復待
鈴山孤帆忽飛回力從宦海開轡勒約共名山闢草萊
遲爾愛蓮亭下坐東鄰恰好熟新醅

渺渺行雲去不停江干追送又長亭論交同證孤懷月
相見休驚兩鬢星才短自今甘守拙時難從古不宜醒
西園賓客多高會勞向天涯問斷萍

高明至鶴山途中雜感三首

不緣隨使節誰識此邦風底苦雖蟲食而爭蠶觸雄微
租歸學社嗜殺有羣公浩劫何時盡浮生歎斷蓬

黯黯浮雲暮蕭蕭落照昏亂山孤客路白骨幾家村俗
吏輕民瘼將軍負

國恩流離驚滿目猶自詔追奔

歲暮仍爲客余生亦太勞朔風淹去櫂寒雨溼征袍匡
救慚無術勳名屬爾曹行將拂衣去未忍聽鴻嗷

壯懷堂三集

嶺海詩存卷八

侯官林直子隅

越游集

戊辰下

立秋後一日陳蘭甫

澧

學博大至端余方有甬上之行

蘊小泉

璘

司馬置酒晚香亭爲餞得古詩一章示學

博並柬同人卽以言別

梧桐墮秋井菡萏凋平津炎熇失威焰涼颺動清晨
惠然陳丈來欲去還逡巡東亭久榛蕪今喜楹桷新
王郎置尊罍有酒多且醇一酌發清興再酌潤詩唇
三酌通大道膽肝露輪囷行行四五酌怡然見天真
四海本一

家欲結太古隣座間數李侯恢意趣超羣倫鄭生少谷

苗芸勸飲頻頻所難吳詠與盧海近亦稱酒人今夕

足懽樂渾忘誰主賓因之語陳丈識君癸亥春契濶今

五年文章交以神君來問天湖鼎湖一名天湖余方遵海濱真

同參與商良緣慳以迤咫尺古崧臺莫辜健游身竟須

具肴楮一條襟上塵登高俯大江頽波付漣淪黃鵠自

高舉靈淵維隱鱗但歌東門行不恤西州貧

和方子箴方伯贈別次韻

待斬長鯨涉怒濤畫圖首爲問天搔余舊有搔首問天圖時難身

已拚孤注醉倒狂真藐二豪此去月湖堪入泛重來興

秀約登高預知籬菊西園盛好辨團尖握海螯

將赴甬東穀齋太守有詩贈別次韻奉答二首

西風幾日動秋懷太息浮生未有涯
莫戀鼎湖好山色四明烟景更幽佳

臨歧握手晚風前送別傷離各黯然
遲汝冷泉亭上話相逢何處不因緣

贈寫真李大

若問生天自有真半通仙佛半通神
不圖嶺海同鄉客能貌離奇古怪人

江頭書所見

西施生長苧蘿村未見君王有淚痕
岸腳春風驚瞥眼江干暮雨易銷魂
伶俜瘦趁飛花影僥倖奇輸片石溫
今夕月明人靜候願憑清夢到芳樽

抵甬上喜晤楊豫庭

叔懌

觀察有作二首

飄零十載別音問未全疏多難憐兒女
長才耐簿書湖山征戰後骨肉死生餘
且喜重相見臨風解珮琚

會稽古名郡爲政賴賢能

君愿領紹興甯郡有政聲

好士文風振耒

奸陋俗懲官清庭似水客至酒如澠
回首南皮讌豪情舊日仍

天童山

穿雲十里盡層松風定時聞上界鐘傳梵卻疑泉響答
題詩喜共客從容香生茶竈烟霞暝雨過芝筵水翠濃
踏遍名巖留小憩芒屨何地覓仙蹤

同陳子駒

過祺

海曙樓晚眺時楊翰臣

崧年

聶從

蒼莽天風夕蕭森落照昏烟波渺鶯脰風雨黯蛟門賈
舶來非昔夸樓望不尊此邦兵燹後猶有古風存
遊普陀巖

寰外曾聞南普陀挂帆一夕涉頽波千年亭影餘涵碧
鎮日潮音誦貝多滄海龍吟殊浩蕩空山鶴夢漫蹉跎
待求靈藥尋仙去凡骨其如莫換何

上雪竇寺

萬山抱頽雲一峰聳竒傑倚天削芙蓉層巖飛鳥絕我
來叩寶刹十步腰九折偶探幽竇深中有千年雪殘碑
道旁臥欲讀苔蘚纈芝泉渴當飲松花飢可掇黃昏造
寺門蝙蝠出如瞥登堂禮梵王佛火忽明滅夜階露華
重老鶴向人咽坐茲清淨境筋骨忘疲茶何當覓良侶
茆菴此留結雲水兩忘機勿爲塵網絀

鄮城中秋夕作

五年秋在客邊過待訴愁心與月娥海上風花忽飄蕩
鏡中霜鬢惜蹉跎高飛烏鵲頻辭樹曉去星辰易渡河

欲叩天閭雲路遠倚樓長劍手空摩

十六日附海艘發甬東晨至滬濱喜晤楊子恂

仲愈太

史偕飲酒樓

手攜明月駕黿鼉千里滄溟一夕過入座驚看瀛海氣
當筵來聽雪兒歌東南耆舊能綏寇燕豫烽塵幸止戈

時間捻
匪肅清

拚醉酒船三百斛那須重問夜如何

連日飲酒樓有感四首

十年澤國感滄桑誰置高樓大道旁記曲競誇中婦豔
看花猶憶少年狂座間賓客皆龍虎海上烟塵尙犬羊
天與閑情須縱目嶺雲江樹總蒼茫

蟹肥菊瘦晚秋天笑語芳樽賴此筵望裏樓臺虛皓月
愁邊絲竹感中年東來橫海鄉心遠北去朝

天客路延且喜鄒枚游讌樂等閒歲月任流連

分明眼底降靈妃片片江雲拂舞衣秋後芙蓉紛慙亂
天涯鴻雁各翻飛市廛有託甘留隱粉黛憐才爲解圍
攬鏡羞看雙鬢短春風要與壯心違

逝水華年行路難世途真覺醉鄉寬都將明月銀箏怨
迸入佳人錦瑟彈張緒至今頭亦白莊生平昔夢能安
無端結得神仙侶來日狂名滿玉壇

登高

又是登高日驚心壯志違新傳白帝捷未解夜郎圍野
樹看仍暮江流去不歸盈梳感華髮猶自戀嚴扉

畫蘭便面爲李德磨

壽仁

茂才題

客裏相逢意氣真多君臭味迴超倫南沙真本無多觀

貌得孤芳屬美人

畫出女校書手
假某尙書作

子恂出示李眉生

鴻齋

廉訪近詩卽用其彭城贈別劉

省三軍門詩韻奉寄

入手驚翻銀漢落出門喜見大河橫豈希宏景耽高隱
爲愧深源負盛名眼底蛟涎思浩劫腰間虎氣共生平
中原戰伐天心厭何事砧衣寄遠征

江上孤帆曉入吳，久無鄉淚與征徒。
待將攬古尋香徑，便擬乘舟向太湖。
明月高寒空照影，秋風爽颯易摧枯。
新詩寄到遭君笑，應道鰕生膽氣麤。

早發滬瀆晚泊黃家渡

去粵經三月，游吳第一程。
家書殊浩沓，離思日紛縈。
烟水秋江遠，葭蘆古岸平。
清時無盜患，免使旅魂驚。

崑山夜泊

舟子望風色，迢迢泊碧潯。
斷橋苦蕭瑟，片玉竟銷沈。
烽火黎元盡，江湖酒病深。
新詞聞水調，淒惻不成音。

吳門寄子恂

涼風十日客懷孤更向滄浪覓酒徒爲報故人相問訊
扁舟今夕泊姑蘇

送家珩卿

十五年前事風流喜見之交情有肝膽心緒亂紛離北
雁迢迢去秋花脉脉思願君會燒尾把臂若爲期

吳門雜詩十首

破楚門前秋正驕垂虹暝色又長橋片帆來攬東西勝
賴有新詩破寂寥

殘烟都沒館娃宮咫尺靈巖有路通獨上琴臺更西眺
寒鴉猶掠錦帆風

築室毛公舊有壇問祠短簿亦荒寒結鄰欲近要離塚
除是前身梁伯鸞

金閶亭下碧波澌入洛風流溯季鷹多事褚公甘茗汁
非關年少氣憑陵

笙歌十里罷山塘霸業銷沈塚樹荒生笑譚銖非解事
夕陽只合吊貞孃

不上天平攬萬峯看梅鄧尉亦從容危檣獨泊楓橋驛
爲聽寒山夜半鐘

楞伽西去望支硎銷夏灣邊問洞庭畢竟太湖烟水濶
晚來江上數峯青

舟人爲我說烽烟門巷桃花記昔年燕子不還秋寂寞
絕無人處亦流連

畫舫清歌寂不聞我來又值日斜曛天涯兄弟遲相見
惆悵江樓望暮雲

秋盡來登越女橈沿隄楊柳日蕭條何當醉舞春風夕
踏遍江南四百橋

吳江夜泊

松陵江驛徧啼鴉向晚孤篷宿葦花漁火幾星明蟹斷
農歌十里有人家冷楓官渡霜初重秋水長橋日又斜
欲問石湖遶隱處北山堂址渺烟霞

八尺湖

作客逢秋晚驚聞八尺湖此鄉風土惡滿地足荏苒

平望驛憇九華禪院

古驛人烟密精藍棟宇殘地經幾兵火門受萬林鬱

病齋厨黯泉清茗味寒畫眉橋下水爲祝米船安

鄉人爲余

言往者遭水患米船至橋下輒有所失

初六夜枕上有作

滴瀝不成寢屢看銀燭低宵清聞鬼語邨近警雞啼斷

隴思禾黍荒城憶鼓鼙凌晨翻襪被微覺曉寒殘

舟過嘉興寄懷譚仲修

獻學博

昔年曾讀復堂詩按拍兼成幼婦辭尊酒天涯君去早
片帆江上我遑遲西風萃鹿聞高捷秋水蓴鱸愴舊思
咫尺重闌阻相見清宵應有夢逢時

嘉興雜詩四首

嘉禾縣前蘇小墳錢塘坏土或非真紫蘭香徑魂招得
風月南湖吊美人

郭外風寒暮色涼青帘招處麴塵香持杯來酌劉伶墓
我亦年來託酒狂

輕烟拂渚雨初來綺閣瑯窓向水開爲問樓中人在否
艣聲伊軋過江哀

鶴渚清風已杳然
鴛湖明月水連天
胥潮落盡鷗夷逝
惆悵江頭問酒船

皂林夜泊

橋李城西驛風檣不可留
遂尋斗門路來繫皂林舟
邨樹經霜落湖菱帶雨收
江行復十日日日足清遊

雨夜舟中獨坐

小雨涼宵不肯明
水窓獨坐數殘更
世間萬事有明日
海內幾人同此生
久客慣知秋氣味
投閒最稱病心情
湖山回首都堪憶
但祝天公早放晴

石門感懷

由來吳越爭雄地故置重關阻石門往者常平能著績
竭來崇德痛招魂語兒亭畔江流急走馬岡頭日色昏
爲記雙崖橫絕處黃茅苦竹不勝繁

雙橋

睡起日將昀雙橋落眼前山痕天外見帆影鏡中懸
楓柏明頽岸菱菱趁晚船人家在圖畫指點破秋烟

塘西夜泊

落日塘西泊清遊夢裏曾烟橋千里櫂夜市萬家燈賣
藥人心僞籌繙卡吏能杭州明日到高處喜攀登

九日杭州道中作

百里真如畫裏行輕舟今日到江城遠山淺淺傳眉黛
暮雨瀟瀟愴別情太傅風流仍宛在東坡行跡共生平
朝來爲飲錢塘水怪底詩懷若許清

九日抵錢塘小雨入武林門適廉叔弟捧檄聞家堰假

寓羊市街晤梁敬叔

恭辰

觀察談至夜深始宿作此

寄廉叔促其來省

輪舟舍海漚更命杭州漿八日達錢塘江光平似掌連
朝喜晴暄澄秋愜心賞應時風雨至徧灑菰蒲響入門
問吾弟千里行已枉欣茲值姻婭徐榻懸書幌杯盤飽
江蟹夜深話疇曩吾生憂患餘遊蹤付蒼莽願言早得

歸庶免勞夢想

贈別劉冰如

齊衡

廉訪

彭城家世萼華妍
風望金曹思昔年
遺器士深徵古鑑
枕戈越石讓先鞭
南陽治早符興誦
子政書還校鉅篇
絕學天人高白水
傳家猶是舊青氊

轉漕西陲民命蘇
江東持節又王途
一時間譽傾當軸
千里關河夢故廬
官閣風寒梅欲放
小山露冷桂全敷
廿年相見還相別
待具扁舟泛五湖

東梁敬叔

恭辰

觀察

別來五載氣超騰
尊酒當年憶不勝
世事漸看雲漠漠

主恩從此日蒸蒸清游海上縈魂夢小聚湖西說廢興
况是重陽好風雨孤山高處約同登

秦澹如

繩業

都轉招同郭穀齋

式昌

觀察譚仲修學博

飲寓齋卽次見贈原韻奉謝

片帆海上獨東來客裏因君懷抱闊才調只今幾淮海
豪情自昔數方回天涯風雨堪投句亂後湖山合舉杯
慚愧吾宗閒處士西溪無分與探梅

澹如都轉再疊前韻惠題拙集卽以贈別次韻奉答

敲門剝啄送詩來狂喜從今笑口開學道未成丹九轉
思君何只日千回重遊預訂南峯約小別深叨北海杯

去去羅浮同入夢嶺頭待寄一枝梅

留贈薛慰農

時雨觀察

門闕河東舊有聲更從湖海盛才名
慈君賓客開東閣嗣道文章重

帝京莽莽高空雲正翳蕭蕭薄宦水同清
釣竿大有滄浪興我亦年來忘世情

白蘇政績徧東南小領杭州願已甘
亂後湖山雙眼潤閒中風月一肩擔
執經門下多才俊攬古城西縱笑談

橫海東來慳捧袂短亭殘日盼遘驂

時歸全椒

澹如都轉以南山西溪紀游二冊屬題走筆成二首

昨從湖上來望見雙高峰南峰我亦造其半蒼然雨色催
遶筇層巒絕壑恨未至何幸乃向圖中逢軒昂紙上鬱
奇氣蔽天清蔭森層松理公蛻去留古剎幽處似有烟
霞封流泉涓涓滌疎聽恍惚上界聞清鐘紅牆隱約露
古瓦怵目滿地堆蒿蓬湖山盛時駐

華蹕

宸翰照耀騰蛟龍劫灰歷盡寡生色誰肯攜酒來隆冬
惟君宦餘游興濃躡屩欲逐仙人蹤繪圖吟詩二子從
謂令甥雨生從孫堯臣探奇那復甘疎慵還公此冊三撫胸清讌
惜未陪持鍾來歲春風更相見應許剗剗踏徧青芙蓉

烏虬眼前安能舍此萬丈瘦削青芙蓉

西溪流水清且澗岸松野竹爭嫵媚十年有夢不得到
那意觀此灑落歆薄之雲烟天然勝境落吾手漱澗溪
光濃似酒輕舸容與自中流瑟瑟秋風散蒲柳使君跌
宕淮海來湖山到處持行杯徧從嚴冬叩寂寞此意便
足空英才護生菴前烟景異中有高僧出頭地五嶽還
來此結茆指點雲嵐弄遊戲交蘆秋雪

皆菴名

今無存蒼

茫浩劫荆榛繁人生行迹易變幻惟有霜縑歲久猶自
珍璵璠看題始識兩生作下筆真能興崑崙太常司農
世見希多君胸次藏邱壑名篇題詠滿琳瑯低首英詞

妙墨場明朝風雨極行路孤負梅苔空舉觴

聞子箴方伯量移淮上作此奉寄

別來粵海經閩海聽罷吳謳又越謳淹忽竟孤重九約
荒寒苦憶十三樓林逋夢落孤山遠方叔恩流澤國周
回首盧雅賓曾雨谷游燕地眞思控鶴上揚州

贈家聽孫聰彝廉訪

西河門闕忝華宗出塞當年記折衝兩浙風烟躬閱歷
卅年湖海氣從容相逢舊雨情彌摯作宦寒天興尙濃
千里金隄資保障烏臺拭目看

酬庸

李印林

世縱

大令以尊甫薌園

校南

先生大集惠讀奉

題

太白不可作仙才今幾人豈期供奉集重見宰官身惠
政時爭頌高歌獨有神老成感凋謝盛業足千春

善人宜有後令子副嘉譽久已推循吏真能讀父書遺
編存著作通德耀門閭百里才非盡應看驥足舒

酬邱少蘭

琛

見贈之作次韻

江上行行望暮雲况逢霜雁叫離羣天涯五載鄉園夢
卻向杭州獨見君

錢塘江水去無期獨客秋風返棹遲別復相逢逢更別

百年何處不相思

亦是當年患難身
名場得失笑還嗔
茂陵秋雨相如渴
香火生天問夙因

海天細雨片帆來
酬唱欣叨末席陪
莫向秋空忽搖落
康莊拭目看龍媒

聞家堰至義橋同敬叔觀察廉叔弟

聞家堰頭晚放船
殘日落處橫秋烟
忽從林際見新月
時向風前聞素絃
江童打槳喚沽酒
關吏持籌工數錢
義橋燈火乍明滅
詩思正挂飛鴻邊

舟發錢塘晚抵蕭山

高林動寒色日夕辭錢塘
脩脩木葉脫杳杳烟波長
跳浪擲魚梭當風濡鷓梁
西府旣已隔沙樹餘青蒼
網懷宋諸陵飛鳬慘不翔
暮角何哀哀江流亦湯湯
對茲感蕭瑟秋盡空斷腸

泛若耶溪

若耶溪頭流水急日曰漁郎把竿入
鴛鴦驚起雙槳平無語小姑獨愁殺
扁舟向城東復東往來朝夕隨樵風
苧蘿村邊浣溪女滿頭猶插小丹紅

吳淞口候潮

月暗潮初落燈殘漏欲乾
家山萬里夢島渚五更寒
雁

語淒孤枕鷄鳴勵弱翰賈胡誇保險來往仗平安

甬上夜附海艘赴滬遇風有作

黑雲四垂天似墨海艘夜開遲不得北風引帆出橫流
一擲洪濤深莫測中宵風大迷川途瘦蛟起舞趨天吳
千決萬盪不可扶倒側未異旋盤珠滿船婦稚聲叫諱
我時轉覺心膽癱急捫濁醪罄一壺爛醉信口歌烏烏
須臾浪平風忽住縱解頭眩尙疑怖船牕一綫露晨曦
遠浦微茫見煙樹

同子駒少石宣丞飲正香淨室

江東橋畔初相見廣福盦頭望更親贏得一生清淨福

可憐猶道不如人

小樓微雨病維摩
一桁歲華鎖恨多
最是關情初上月
清尊灑灑泛秋波

壯懷堂三集

嶺海詩存卷九

侯官林直子隅

端居續集

己巳庚午

讀李次青

元度

廉訪瑱聞記採其死節尤異者得五人

焉各系以詩

上元令

咸豐癸丑二月賊陷江甯上元令劉同縷罵賊死

金陵城頭墮天狗黃狐跳踉赤狐走城存與存亡與亡

一刻千秋名不朽伊誰朝服坐堂皇卯金老子真倔強
厲聲罵賊虍賊魄不死城南死城北可傷吾身勿傷吾

民攢心萬箭成公仁韡中六事堪條陳白氣奕奕公其
神神何棲秣陵關神何歸清涼山達官幾輩惜性命能
不愧死上元令

安陸令

賊陷德安郡安陸令萬成罵賊死民感其德尋得忠
骸爲葬漢黃香墓側從其志也

男兒生當殺賊終沙場死當埋骨依黃香生前弔古抱
夙願欷歔流涕情何傷甲寅三月初十十萬紅巾破
城入萬侯拔刀府前立指罵手還馘百級矛攢戟刺賊
眾集爆竹轟趺腹流汁真宰訴天天爲泣侯之德澤在

斯民忠骸夢示黃金身嘗示夢邑生徐鍾淵通身作劍色光謂所檢頭骨非是幸棄之
次日開攬侯靈蹟心孔酸一死報國侯非難殘軀願傍
視果然要離塚或是前身梁伯鸞

沈老儒

名玉茗浙江烏程縣貢生同治元年賊陷菱湖鎮家
居死節

沈老儒七十餘白髮兩鬢東柵居崇朝賊勢趨菱湖當
賊來路牽賊裾頭上巾心頭理我良民爾賊子曳之不
退語不止白日青天眼前死人謂君愚我謂君智儒生
慷慨明大義抗節軍前真快事千秋萬禩留姓字

楊巡捕

按陳炯齋徵言武昌紀事文軒作文光同死者增喜馬登雲增漢軍旗下人楊馬皆江夏人

文軒以字稱逸其名湖北人以千總充常巡撫捕官省城陷引巡撫至其家從容請盡節代挽帶縊之俟氣絕掩藏畢再拜痛哭亦自盡

楊文軒韎韐士小充一官巡捕耳賊入城迎中丞事已至此請公上昇生嘗食公德死當侍公側誰言小臣小臣亦報國願爲厲鬼去殺賊英風吹空斷腸色

王氏女

兒本良家女實命歎不猶爺孃禦賊死轉徙倡家樓倡樓居幾年兒身仍處子此心可證秦淮水此身未可污

泥滓賊聲夜沸利涉橋一賊刃脅相招要謂言將軍且
放手僞笑佯歡醉以酒抽刀斷處賊頭落轉向高樓自
縊首從容就義古所難明月在天江水寒官軍日夜擁
旌旆節義偏歸巾幗內君不見後有王氏女前有朱九
妹九妹亦湖北人年二十爲楊秀清逼入
僞府乘間鳩楊未遂而死見癸甲撫談

登閩江樓

俯流高閣起嵯峨歲暮登臨感鬢皤月影聚成三太白
波光漾作百東坡南來旅雁迎霜至西望浮雲向晚多
嗟我飄零尙江滸但宜醉飲放高歌

偕詠帆幼白邀同方子嚴觀察葉穆如大令邱拱庭方

爾民二參軍飲梅菴觀察詩先成次韻奉和四首

使君能愛客簿領有餘閒待啟招涼館

時議管菴前隙地爲賓僚燕游

之所來尋銷夏灣藕花紛厯亂荔子正爛斑咫尺郊西路

先教塵慮刪

鑒老談經地菴門向水開萬花一鐘磬殘日幾亭臺膠

盡還呼飲詩成不待催幽禽差解意時送好音來

豈必耽高蹈僧厨味自甘禪心微入定梵語略能諳竹

影因風亂蕉聲戰雨酣一甌泉上坐端爲晚涼貪

歸途蠲暑氣况值雨餘天馬跡蒼苔路蟬聲古樹烟清

懷緬初地高詠合羣仙且喜萍蹤聚他年憶此筵

題家薌谿

昌彝

徵君丈海天琴思圖

圖中並繪何子貞先生照先生爲丈

已亥
座師

茫茫天地滿沙蟲誰挽狂瀾大海東
焦尾千年孤調絕傷心幾輩古人同
亦知身世蒼涼感都在風濤浩渺中
師弟相逢無一語但指雙目送飛鴻

題徐同叔

時棟

舍人烟嶼樓集次陳子相

勸

太守韻首

雨水萍蹤又小留新詩傳到費賡酬
蕭蕭短鬢天風夕浩浩長空海月秋
世少徐陵應縱筆才逢謝朓也低頭
不圖烟嶼樓中客無數雲嵐腕底收

讀君斯集往還頻談笑當年想卻秦
烽火幾經離亂苦

詩篇重覩歲華新
羚羊香象猶存古
暮雨寒花不當春
里閑逍遙真得計
高情未讓葛天民

身世蒼茫問阿誰
一編幸富少陵詩
龍吟想識襟懷壯
燕領休矜骨相奇
唱徹旗亭傳樂府
望收渤海作經師
名山亦蓄千秋想
愧我偏無絕妙詞

湖海頻年未息忙
更無佳句付奚囊
時清莫下遺珠泣
道貴還應美玉藏
斯事漸成三折臂
人情真似九迴腸
向平婚嫁今麤了
朝待驅車向太行

和子嚴觀察游七星巖元韻

溯我來端州五年
潤顏全愧無匡濟
才幸遂登臨願天

公憐我苦特與吟身健縱情山水鄉不惜捫蘿蔓茲巖
聳北郭巉岼起人面我居厠其旁登樓日相見燦如列
星拱環訝聯珠穿有時吐光怪刺眼晨霞眩峩峩古崧
臺層階作螺旋上帝觴百神靈旗紛置頓天然闢竒境
游者如蟻緣使君忻命駕請以驚馬先未至神已馳旣
過景還戀朝來放晴曦羣開露山殿洞門豁以啟羣入
不用遜詎云恣游觀聊與破寂悶昔年紅巾役官軍此
屯練蒼涼感人事林巒互遷變升高眎大江遠帆飛片
片奔波去如駛時一作回旋雲過灑狂雨中有神龍溟
泮舸杳天際西來但微線攬茲空濶意輒令俗情遠座

間無李侯

時懷垣以憂遘里

持尊滿離恨下山戒滑溜行處苔

蘇徧夢華留小憩老僧進蔬膳諸君有餘勇談笑腳忘

倦政閒快良會爲樂互稱羨羣巖悉在目強似披畫卷

新詩誇敏捷妙筆獨萋萋

觀察詩先成

歸途雨忽疾馬臆任

泥濺回看北海碑光彩爭雷電巋然立于霜不付秋蓬

轉疑有神護呵洞口鵠袍袪亟須拓萬本滿紙蛟螭纏

他年載歸裝留伴青花硯

子嚴觀察以飲恢垣山長愛蓮亭詩見示奉和三首

取峰拱重闔清漪映娟妙殊饒山水情待挾烟霞奧語

之冠蓋場往往非所好疇尋載酒樂幾見接離倒李侯

澹蕩人吟朋喜爭造愛客兼愛蓮巍亭許頻到綬綬
夫閭亦足縱瞻眺談經六七載北窓聊寄傲相交重道
義君子胡慙慙時聯話舊觴預整登高帽良遊貴及時
無任感衰耗

晴空風日佳鬱懷借秋拭涼颺蕩層陰炎蒸失歎施園
中盛花木根株在培植木棉曰長大幽蘭懼摧抑生無
媚世姿元霜忍相効託地或未宜鮮不遭厄塞萬彙各
生機安能限城閫因之察物理靜觀乃自得朝槿何媚
娟晚花何側側榮萎付自然愛憎任旁人悟至道
妙窮造化域脫身名利場遠不受羈勒但須飲美酒天

地正秋色

微商旦暮催蟬聲出高樹茲游盛賓僚各擅驚人句
諸君足風雅賤子勉趨步深慚瓦缶鳴未敵金銀注如介
大國間甘爲附庸附東坡坐詩窮有得忍不吐但羞枚
叔遲肯學高叟固古今尙淹貫河山賴從泝匯之混沌
胷崇朝豁奇悟能伸冥竇情會測神明數反我有真修
知音匪難遇漫矜錦繡作安事蟲魚註嘯歌斗室中至
道備先具萬緣含妙泳八極徹精蘊要須人力爲詎悉
天所付余言信迂拙當筵勿回顧君子慎修名甯遭時
俗惡

七月八夕

珠海浮沉春復秋
笙歌行處小淹留
當筵花月愁烏鵲
昨夜星辰悵女牛
短榻香殘無夢到
輕羅風細有螢流
空齋默坐憑誰向
對影銜杯自唱酬

己巳初度子嚴觀察爲置酒端溪書院與吳詠帆趙幼
白葉穆如爾民飲賦此奉謝

瞥眼端州住五年
秋風容易感華顛
此生合飲西江水
往事能忘北海筵
乙丑迄戊辰是日
恢垣必爲余置酒
悵惘白雲幻蒼狗
蕭疏淥水映紅蓮
主人愛客情方重
不惜金罍醉十千

雜謠

東家賣婦西賣兒哭聲動地行者悲賣婦婦不飢賣兒
兒不啼人生不幸遭亂離勝似北鄰飽食人肉糜

高明

五坑事

一鐙課讀圖爲家惠常徵君賦三十韻

昭代儒冠重南州講席尊經師宏著述家學溯淵源憶
昔椿摧蔭憑誰葛庇根負休東郭米樹早北堂萱敢以
敷翹日而忘晝荻言之無勤問字劬苦未酬恩一盞寒
鐙焰千絲寡淚痕伊唔階蟋應閃爍水螢反漸滿邊生
笥全荒董子園是非谿燕鵠振蕩勵鵬鯢鱗鱗序聲蜚早
公車計覺煩名流紛賞識華譽益騰騫鴻製綜三禮

驚喪動

九閭上庠資教授寒峻賴扶援鐸暫樵川振才選建水
掄廣開馬融帳羣仰李膺門齊女偏工妒巫咸不問冤
世途艱若此吾道歎何論矧值荆榛會先辭苜蓿殄炎
陬遊汗漫滄海滌囂喧座擁縑緗富緣聯翰墨繁歸裝
無陸賈客路感虞翻誓墓思田里還家有夢魂堂堂今
白日黯黯舊黃昏燈火機聲在枯菴手澤存淒迷歌歎
蔓脩潔致蘋蘩回首傷何恃終身慕弗諉畫圖彰淑慎
題詠徧璵璠令範光宗末徽音裕後昆允宜垂史冊端
不愧邦媛

隨雨菴都轉于役恩平感土客仇殺事有作

清秋隨便節言邁古恩平瘴海哀鴻影荒城叱犢聲流
亡仍格鬪主客太分明欲挽天河水相看洗甲兵

和家惠常徵君游七星巖憩夢華軒用朱竹垞水月宮

韻

斗杓轉北陸鬱此百丈崖朔飈激中夜高林盪幽霾崇
朝圓景麗攜尊造山齋落葉阻蹊徑清泉冒廳階攬彼
松檜色澱茲冰雪懷元鳥知向陽離離尙羣諧繫余戀
友生安能失儔儕不虞時俗憎良惜素心乖烟雲有真
契願言相與偕

秋夜感懷

宵沈處處感秋聲
醺酒臨江意不平
華鬢漸隨霜共白
客情相與月同明
西來烽火連雲暗
東望鄉園入夢驚
七載嶺游成底事
長歌誰惜棄繻生

文樹臣

星瑞

觀察改官粵西道出端江子嚴觀察連日

置酒樹臣有詩爲別奉謝四首

越王臺下曾相見
瞥眼端州五度春
剩有狂名堪作客
卻緣賢主解留賓
不圖暑雨炎風外
忽到談詩縱酒人
今日真成三雅酌
登盤鱸膾况如銀

使君年少早登科
忠孝家風世足多
來日勲名高五管

舊時惠澤在三羅安期籬鷗知鴻鵠不分青松施蔦蘿

時因迴避梅小巖廉訪

西徼萑苻殊未淨腰間寶劍重摩挲

君舊藏曹

武惠王寶刀

全家八口喜同行江驛迢迢記水程柔楊烟中聞雁語
別枝風外曳蟬聲生涯書畫都成癖宦海風雲亦有情
會見匡時應努力蒼黎早晚盼蜺旌

桂林山水甲天下我亦因君懷舊游陽朔雲嵐常在眼

柳江風月漫回頭一龕香火維摩病

謂少鶴通政

半世呻吟

少谷憂

謂小谷比部

此去料逢酬倡倡新詩莫惜付傳郵

中秋夕磨孫生

碧漢無雲月在林
呱呱聲忽出宵深
敢期秀世能繩武
或望充間試辨音
三葉漸看催我老
九原難慰抱孫心
室人歿 誕生卻喜逢佳節
落地梅筵酒共斟
吾鄉謂生
七年矣 兒酒爲落

梅地

飲酒五首

庭樹何蔭蔭
鳴禽亦啁啁
抱茲遺世心
余生更誰尤
西鳥逐東兔
逝逝無遲留
古之賢達士
思從造化遊
所以陶淵明
一飲不復憂

達人貴知命
君子守固窮
性天任夷猶
得失羞鷄蟲
寸心濠濮間
相從爲始終
非遠矯激嫌
斯人聊與同上交

毫臺者下攜兩三童目前蓮葉新謀將引千筩

燭火無烈焰清流渺瀰波豈如人間世到處皆網羅細
民計營運大官亦嬾要百年一蜉蝣余生能幾何來日
日以少去日日以多願同草木性枯榮信天和勸君更
須飲吾將放高歌

翹生爾胡爲味趣輒相向持杯萬花中余懷因與暢此
身雲外物豈復計時謗鷦鷯亦居處螻蟻等卿相永言
付遷流富貴非吾尙

世事日多藉皇風慕黃虞下逮老與莊所性非人殊不
受桎梏勞焉能隨步趨五經日繙繹斗室亦足娛冠蓋

自喧闐何如道味腴幸我乏園田歲暮無追呼野老招
我飲芒屨忻與俱厥肴問維何掇瓜還斷壺未醉固不
已既醉煩藜扶一言語儔儕痛飲真吾徒

恢垣以題陳古樵

機

大令學海棠圖詩見示邀余同作

次韻二首

越秀臺高幾夕陽記曾載酒訪斯堂門前厯厯先生柳
牆下閒閒帝女桑一代興衰存著作百年文物異彭殤
經時易動登臨慨卻向詞場話戰場

圖爲辛酉
退議脩作也

石林枉說道成基咫尺三仙亦有祠海嶠琴尊歸老輩
法壇燈火盛當時雲寒古木飢鷹逝風颭危巢老鶴知

深羨有心陳大令披圖翹首愴予思

殘秋懷故園南社諸子

秋來到處感清尊衰柳垂垂欲斷魂
明月河梁剛昨夜西風古戍又黃昏
知交書札千金值裙屐風流幾輩存
舊讌南皮今寂寞厭聞笳鼓尙乾坤